

**Broj:06-03-468-06/25/18**  
**Mostar, 17.07.2018. godine**

Na osnovu člana 17., člana 22. stav (1), stav (3) i stav (5) i člana 23. stav (1) tačka c) Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1) i člana 32. stav (4) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2), člana 36. stav (1) tačka c) i tačka j), stav (4) i stav (7), te člana 37. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16), postupajući po službenoj dužnosti u postupku trajnog oduzimanja Dozvole za rad (licence) za trgovinu na veliko naftnim derivatima osim LPG-om broj 06-03-468/25/17 imaocu dozvole Doo „ČAVKUNOVIĆ-BAU“ Bihać, Sulejmana Veličanstvenog bb, Bihać, Regulatorna komisija za energiju u Federaciji Bosne i Hercegovine – FERK je 17.07.2018. godine na XIII redovnoj sjednici donijela sljedeće

### **RJEŠENJE**

1. Imaocu dozvole Doo „ČAVKUNOVIĆ-BAU“ Bihać trajno se oduzima Dozvola za rad (licenca) za trgovinu na veliko naftnim derivatima osim LPG-om broj 06-03-468/25/17 izdata Rješenjem broj 06-03-468-04/25/17 od 09.06.2017.godine.
2. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.
3. Stupanjem na snagu ovog rješenja prestaje važiti Rješenje broj 06-03-468-04/25/17 od 09.06.2017. godine, kojim je izdata Dozvola za rad (licenca) za trgovinu na veliko naftnim derivatima osim LPG-om broj 06-03-468/25/17.

### **O b r a z l o ž e n j e**

Dana 09.06.2017. godine FERK je Rješenjem broj 06-03-468-04/25/17 izdao Dozvolu za rad (licencu) za trgovinu na veliko naftnim derivatima osim LPG-om broj 06-03-468/25/17 imaocu dozvole Doo „ČAVKUNOVIĆ-BAU“ Bihać. Tačkom 4. i tačkom 5. navedenog rješenja određeno je da je isti obavezan plaćati regulatornu naknadu u iznosu od 5.000,00 KM godišnje u periodu važenja dozvole za rad (licence), kao i da je isti obavezan regulatornu naknadu platiti za prvu godinu važenja dozvole u roku od 30 dana od dana primanja rješenja, a za svaku narednu godinu do 31.01. te godine.

Kako imalac dozvole nije postupio u skladu sa navedenim rješenju, odnosno nije izvršio svoju obavezu plaćanja regulatorne naknade za drugu godinu važenja dozvole za rad (licence) u iznosu od 5.000,00 KM, FERK je istom u skladu sa članu 36. stav (2) i članu 41. tačka a) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede uputio Opomenu broj 06-08-404/18 od 30.03.2018. godine, u

1

kojoj je istom ostavio rok od osam dana od primitka te opomene da otkloni navedene nedostatke, odnosno da u ostavljenom roku izvrši plaćanje regulatorne naknade za drugu godinu važenja dozvole za rad (licence) u ukupnom iznosu od 5.000,00 KM, te da dostavi detaljno obrazloženje razloga neplaćanja regulatorne naknade za drugu godinu važenja dozvole za rad (licence). Međutim, ni nakon upućene opomene imalac dozvole nije otklonio navedene nedostatke, odnosno nije izvršio plaćanje regulatorne naknade za drugu godinu važenja dozvole za rad (licence).

Članom 22. stav (1) Zakona o naftnim derivatima u Federaciji Bosne i Hercegovine propisano je da se licenca prije isteka njenog važenja može oduzeti privremeno ili trajno. Dalje, stavom (3) navedenog člana propisano je da se postupak za oduzimanje licence obavlja na isti način kao i postupak za davanje licence.

Takođe, članom 36. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede propisani su razlozi oduzimanja dozvole za rad (licence), pa je stavom (1) tačka c) i tačka j) ovog člana propisano da će FERK istu oduzeti ukoliko imalac dozvole ne poštuje uslove i rokove utvrđene dozvolom za rad (licencom), te ukoliko ne plati regulatornu naknadu. Članom 37. stav (1) ovog pravilnika propisano je da se postupak obnove, izmjene i dopune i oduzimanja (privremenog i trajnog) dozvole za rad (licence) vodi na isti način kao i postupak izdavanja dozvole za rad (licence), dok je stavom (2) istog člana propisano da ukoliko su u zahtjevu za pokretanje postupaka iz stava (1) ovoga člana navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovi opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i na način da se donese odluka bez pozivanja zainteresovanih lica na davanje pisanih komentara na nacrt dozvole kroz proces javne rasprave.

Na osnovu naprijed naprijed navedenih odredbi, FERK je Rješenjem broj 06-03-468-05/25/17 od 11.06.2018. godine izvršio privremeno oduzimanje Dozvole za rad (licence) za trgovinu na veliko naftnim derivatima osim LPG-om broj 06-03-468/25/17 imaocu dozvole Doo „ČAVKUNOVIĆ-BAU“ Bihać obzirom da su bili ispunjeni svi propisani uslovi za privremeno oduzimanje dozvole za rad (licence).

U predmetnom rješenju je naloženo imaocu dozvole Doo „ČAVKUNOVIĆ-BAU“ Bihać, da do 13.07.2018. godine FERK-u dostavi dokaz o izvršenoj obavezi plaćanja regulatorne naknade za drugu godinu važenja dozvole za rad (licence) u iznosu od 5.000,00 KM, kako je utvrđeno Rješenjem broj 06-03-468-04/25/17 od 09.06.2017. godine, a u suprotnom FERK će donijeti rješenje kojim se trajno oduzima dozvola za rad (licenca).

Imalac dozvole nije postupio u skladu sa Rješenjem broj 06-03-468-05/25/17 od 11.06.2018. godine o privremenom oduzimanje Dozvole za rad (licence) za trgovinu na veliko naftnim derivatima osim LPG-om broj 06-03-468/25/17.

Članom 22. stav (5) Zakona o naftnim derivatima u Federaciji Bosne i Hercegovine propisano je da se postupak trajnog oduzimanja licence provodi ako energetski subjekat ne otkloni nedostatak u roku određenom aktom o privremenom oduzimanju licence ili ne otkloni nedostatke u radu u roku određenom rješenjem nadležnog inspektora.

Imajući u vidu činjenicu da imalac dozvole nije otklonio nedostatak, odnosno nije izvršio obavezu plaćanja regulatorne naknade za drugu godinu važenja dozvole za rad (licence), zbog čega mu je privremeno oduzeta dozvola za rad (licenca), FERK je odlučio izvršiti trajno oduzimanje Dozvole za rad (licence) za trgovinu na veliko naftnim derivatima

osim LPG-om broj 06-03-468/25/17 imaocu dozvole Doo „ČAVKUNOVIĆ-BAU“ Bihać, obzirom da su ispunjeni svi propisani uslovi za trajno oduzimanje dozvole za rad (licence).

Na osnovu navedenog, FERK je u skladu sa članom 36. stav (1) tačka c) i tačka j) i članom 37. stav (2) Pravilnika o izdavanju dozvola za rad (licenca) za obavljanje energetske djelatnosti iz sektora naftne privrede, odlučio kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja Doo „ČAVKUNOVIĆ-BAU“ Bihać može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primitka rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a**  
**Jasmin Bešo**

#### **Dostaviti:**

- Doo „ČAVKUNOVIĆ-BAU“ Bihać
- Federalnom ministarstvu energije, rudarstva i industrije
- Federalnom ministarstvu trgovine
- Federalnoj upravi za inspeksijske poslove
- Kancelariji sekretara FERK-a
- Sektoru za pravne poslove
- Sektoru za tehničke poslove i licence
- Sektoru za tarife i tržište
- Sektoru za finansije
- Sektoru zajedničkih poslova
- oglasna tabla
- a/a